

Mbanjluengxgungz:

Yienghndei Fuzbinz Haifat Mbanjcuengh

陇穷村：壮乡扶贫开发的典范

□ Fuz Suiyangh sij/ingj

Aenmbanj ndoj youq ndaw raemhfaex.

Seizneix, vunzraeuz byaij hauej Denzdungh Yen Cozdwngh Yauzcuz Yangh Mbanjluengxgungz, caenhraen diuzroen suiyniz bingzbdw iet baenaj, ndaw mbanj ranz baenz coij luengq seuqcingh, ranzlaeuz moq ndoj youq laj raemhfaex, gyoebbaenz fuk veh lajmbanj gyaendei ndeu. “Gaxgonq ranzhaz vaihvad seiqlengq cungj doeng rumz, seizneix ranzlaeuz sangvid ndei yawj daengj ndaw rungh”, coenz vah neix caensaed lwnhgangj le gij bienqvaq Mbanjluengxgungz.

Mbanjluengxgungz dwg aen cunhlien zhaeh swcigih, Baksak Si, Denzdungh Yen caeuq Cozdwngh Yauzyangh seiq gaep dangjveij suhgi caenn dang hauej diemj guh fuzbinz gunggeng ndeu. Daengx cunh 759 vunz, hoeng reihnaz ngamq miz 218 moux, moix vunz bingzyaenz cij miz reihnaz 0.3 moux, aenvih diegmabanj diuzgen yaez lai, gaxgonq ndaw mbanj roen gaeb mbouj doeng ci, ranzhaz vaihvad, raemxgwn uqboemh, guh mbouj gaeuq gwn, moix vunz moix bi bingzyaenz cinghsouhauej mbouj daengz 170 maenz, 95% vunzmbanj imqrauej vwndiz caengz ndaej gajigez.

2008 nienz 10 nyied caeuq 2011

nienz 4 nyied, Cunghung Cunghyangh Cwngcigiz nyuenz cangzveij, Daengx Guek Yinzda Cangzveijvei nyuenz vejyenzcangj Vuz Banghgoz gonqlaeng song baez bae daengz ndaw mbanj neix guh diuyenz, rengzrdw dwk doidoengh gij hong fuzbinz gunggeng ndaw mbanj. 2011 nienz 12 nyied gvaqlaeng, Swcigih Dangjveij nyuenz suhgi, Swcigih Yinzda Cangzveijvei nyuenz cujyin Goz Singhgunh caemh gonqlaeng haj baez bae daengz ndaw mbanj neix guh diuyenz, sonyinx guh hong fuzbinz gunggeng. Ginggvaq gak gaep dangjveij cwngfuj caeuq sevei gak gyaic nem vunzmbanj haengrengz bae guh, Mbanjluengxgungz bienqvaq fan mbwn boek dei: Roengzngaenz 500 lai fanh maenz guh ranzyouq gajguh gunghcwngz, raemxgwn gunghcwngz, roensuijnz doeng mbanj gunghcwngz, hagdangz gajguh gunghcwngz doenghgi neix, hawj yiengh mbanj bienq moq bienq lengj, swngheanj swngghoz diuzgen ndaej gajindei haujlai.

Vih vaiqdi ndaej vut gungz baenz fouq, Mbanjluengxgungz aeu “gunghsw + gihdi + hozcozse +

nungzhoh” aen mozi neix guh daiqdoengh, roengzngaenz 60 lai fanh maenz laebbaenz noufaexcuk dajciengx guhyiengh beizyin gihdi, daengz 2013 nienz daengx mbanj miz 130 ranz ciengx noufaexcuk gungh 3250 duz, moix bi cinghsouhauej 248 fanh maenz; fatdoengh vunlai youq laj faex ciengx gaeq, 2013 nienz daengx mbanj miz 20 lai ranz ciengx gaeq ndaej gai gaeqnoh 8 fanh duz, souhauej 560 fanh maenz; bangbouj nungzhoh youq gwnz bya dieg ndaej ndaem faex haenx ndaem gofaexcuk, vat rangz caeuq guh dajsan, moix bi ndaej souhauej 60 lai fanh maenz; doengzseiz lij laebbaenz le duhmeuz dajndaem gihdi, makhojlungzgoj dajndaem gihdi doengh cungj hong neix, demlai vunzmbanj souhauej. Ndaw mbanj lij cingj gisuzyenz daengz ndaw mbanj guh cienhangh ginwngz guhhong caeuq saedyungh gisuz beizyin, cujciz boxcoz okrog dajgoeng, moix bi cungj miz 240 lai vunz okrog dajgoeng, ngaenzhong souhauej dabdaengz 102.6 fanh maenz. Vunzmbanj souhauej bi beij bi onjdingh demhwnj, vunlai saedceij yied gvaq yied vuenyungz.



▲ Giyez bae daengz ndaw mbanj ciugoeng.



▲ Gaeb gaeq doxdax caemh mizyinx.



▲ Ngoenzciet angq doiqfwen.



▲ Doxdax mbaetsou haeuxyangz.



▲ Guhhong dauqma dwk lwgyangq guh'angq.



▲ Hagdangz gajguh cangmoq le yiengh gyaendei.



▲ Cingj gisuzyenz daengz ndaw reih son gisuz ndaemganq makhojlungzgoj.